

大唐開元禮



大唐開元禮



大唐開元禮卷第六

吉禮

皇帝正月上辛祈穀於圓丘

齋戒

陳設

省牲器

鑾駕出宮

奠玉帛

進熟

鑾駕還宮

齋戒

前祀七日平明太尉誓眾官於尙書省曰正月某日
祈穀祀昊天上帝於圓丘各揚其職不供其事國有
常刑皇帝散齋四日於別殿致齋三日其二日於太
極殿一日於行宮 前致齋一日尙舍奉御設御幄

於太極殿西序及室內俱東向尙舍直長張帷於前
楹下致齋之日質明諸衛勒所部屯門列仗晝漏上
水一刻侍中版奏請中嚴諸衛之屬各督其隊入陳
於殿庭如常儀通事舍人引文武五品以上袴褶陪
位如式諸侍衛之官各服其器服諸侍臣竝結佩俱
詣閤奉迎侍中版奏外辦上水三刻皇帝服通天冠
絳紗袍結佩乘輿出自西房曲直華蓋警蹕侍衛如
常儀皇帝卽御座東向坐侍臣夾侍如常一刻頃侍
中前跪奏稱侍中臣某言請降就齋室俛伏興還侍
位皇帝降座入室文武侍臣各還省直衛者如常通

事舍人引陪位者以次出凡預祀之官散齋四日致

齋三日散齋皆於正寢致齋二日於本司一日於祀所其無本司者則二日於郊社署近侍

之官應從升者及從祀羣官諸方客使各於祀所清

齋一宿無本司者各於正寢散齋理事如舊惟不弔喪問疾不

作樂不判署刑殺文書不行刑罰不預穢惡致齋惟

祀事得行其餘悉斷其祀官已齋而闕者通攝行事

諸祀官致齋之日給酒食及明衣各習禮於齋所光

祿卿監取明水火太官令取水於陰鑒取火於陽燧火以供爨水以實尊前祀

二日太尉告高祖神堯皇帝廟如常告之儀告以配神作主

之前祀一日諸衛令其屬未後一刻各以其方器服

意

守衛壝門

每門二人
每隅一人

與太樂工人俱清齋一宿

陳設

前祀三日尙舍直長施大次於外壝東門之內道北南向尙舍奉御鋪御座守宮設文武侍臣次於大次之後文官在左武官在右俱南向設諸祀官次於東壝之外道南從祀文官九品以上於祀官之東東方南方朝集使於文官之東東方南方蕃客又於其東俱重行每等異位北面西上介公鄴公於西壝之外道南武官九品以上於介公鄴公之西西方北方朝集使於武官之西西方北方蕃客又於其西俱重行

每等異位北面東上

其褒聖侯若在朝位於文官三品之下諸州使人分方各位於

朝集使

設陳饌幔於內壝東門之外道北南向 前

之後

祀二日太樂令設宮懸之樂於壇南內壝之內東方西方磬簠起北鐘簠次之南方北方磬簠起西鐘簠次之設十二罇鐘於編懸之間各依辰位樹雷鼓於北懸之內道之左右植建鼓於四隅置祝敵於懸內

祝在左敵在右

設歌鐘歌磬於壇上近南北向磬簠在西鐘

簠在東其匏竹者立於壇下重行北向相對爲首

凡懸

皆展而編之

諸工人各位於懸後東方西方以北爲上南

方北方以西爲上右校埽除壇之內外郊社令積柴

於燎壇

其壇於樂懸之南外壇之內

方一丈高一丈二尺開上南

出戶方六尺

前祀一日奉禮設御位於壇之東南

西向設望燎位於柴壇之北南向設祀官公卿位於

內壇東門之外道南執事者位於其後每等異位俱

重行西面北上設御史位於壇下一位於東南西向

一位於西南東向設奉禮位於樂懸東北贊者二人

在南差退俱西向設協律郎位於壇上南陛之西東

向設太樂令位於北懸之間北向設從祀之官位文

官九品以上於執事之南東方南方朝集使於文官

之南東方南方蕃客又於其南俱每等異位重行西

面北上介公酈公位於內壝西門之內道南武官九品以上於介公酈公之後西方北方朝集使於武官

之南西方北方蕃客又於其南俱每等異位重行東

面北上

其裨聖侯於文官三品之下諸州使人分方各位於朝集使之後

又設祀官

及從祀羣官等門外位於東西壝門之外道南皆如

設次之式設牲腍於東壝之外當門西向蒼牲一居

前南上又青牲一赤牲一黃牲一白牲一玄牲一居

後又蒼牲一在北皆少退設廩犧令位於牲西南史

陪其後俱北向設諸太祝位於牲東各當牲後祝史

陪其後俱西向設太常卿省牲位於牲前近北又設

御史位於太常卿之西俱南向設酒尊之位天帝太
尊二著尊二犧尊二山罍二在壇上東南隅北向象
尊二壺尊二山罍四在壇下南陛之東北向俱西上
設配帝著尊二犧尊二象尊二山罍二在壇上五方
帝各太尊二著尊二犧尊二山罍一在第一等神座
之左而右向

尊皆加勺罍
有坫以置爵

設御洗於午陛東南亞獻

之洗於卯陛之南俱北向罍水在洗東篚在洗西南
肆

篚實以
巾爵

執尊罍篚罍者各位於尊罍篚罍之後設

玉幣篚於壇上尊坫之所 祀日未明十刻太史令
郊社令各服其服升設昊天上帝神座於壇上北方

南向席以藁秸設高祖神堯皇帝神座於東方西向
席以莞設青帝於東陛之北赤帝於南陛之東黃帝
於南陛之西白帝於西陛之南黑帝於北陛之西席
皆以藁秸設神位各於座首

省牲器

省牲之日午後十刻去壇二百步所諸衛之屬禁斷

行人 晡後二刻郊社令帥府史二人及齋郎以尊

坩罍洗筐冪入設於位

升壇者自東陛

晡後三刻諸太祝與

廩犧令以牲就勝位謁者引太常卿贊引引御史入

詣壇東陛升視滌濯

凡引導者每曲一逡巡於視濯執尊者皆舉冪告潔訖引

降就省牲位南向立廩犧令少前曰請省牲退復位
太常卿省牲廩犧令又前北面舉手曰膋還本位諸
太祝各循牲一匝西面舉手曰充俱還本位諸太祝
與廩犧令以次牽牲詣廚授太官謁者引光祿卿詣
廚省鼎鑊申視濯漑贊引引御史詣廚省饌具太常卿以
下每事訖各還齋所祀日未明十五刻太官令帥宰人以鸞刀
割牲祝史以豆取毛血各置於饌所遂烹牲

鑾駕出宮

前出宮三日本司宣攝內外各供其職尚舍設行宮
於壇東南向隨地之宜守宮設從祀官五品以上次

於承天門外東西朝堂如常 前二日太樂令設宮

懸之樂於殿庭如常儀

駕出懸而不作

其日晝漏上水五刻

鑾駕發引發引前七刻槌一鼓爲一嚴

三嚴時節前一侍中奏

裁

侍中奏開宮殿門及城門

未明五刻槌二鼓爲

再嚴侍中版奏請中嚴奉禮設從祀羣官五品以上

位文官於東朝堂之前西向武官於西朝堂之前東

向俱重行北上從祀羣官五品以上依時刻俱集朝

堂次各服其服

其六品以下及介公鄺公襄聖侯朝集使諸方客使等並駕出之日便赴

所祀所司陳大駕鹵簿於朝堂

發前二刻槌三鼓爲

三嚴諸衛之屬各督其隊與鉞戟以次入陳於殿庭

謁者引從祀羣官各就朝堂前位諸侍衛之官各服

其器服侍中中書令以下俱詣西階奉迎

侍中負寶如式乘

黃令進玉輅於太極殿西階之前南向千牛將軍一

人執長刀立於輅前北向黃門侍郎一人在侍臣之

前贊者二人又在黃門侍郎之前侍中版奏外辦太

僕卿奮衣而升正立執轡皇帝服袞冕乘輿以出降

自西陛稱警蹕如常儀千牛將軍前執轡皇帝升輅

太僕卿立授綬侍中中書令以下夾侍如常黃門侍

郎進當鑾駕前跪奏稱黃門侍郎臣某言請鑾駕進

發俛伏興退復位

凡黃門侍郎奏請皆進鑾駕前鑾跪奏稱某官臣某言訖俛伏興鑾

駕動又稱警蹕黃門侍郎與贊者夾引以出千牛將軍夾輅而趨駕出承天門至侍臣上馬所黃門侍郎奏稱請鑾駕權停勅侍臣上馬侍中前承制退稱制曰可黃門侍郎退稱侍臣上馬贊者承傳文武侍臣皆上馬諸侍衛之官各督其屬左右翊駕在黃麾內符寶郎奉六寶與殿中監後部從在黃鉞內侍中中書令以下夾侍於輅前贊者在供奉官人內侍臣上馬畢黃門侍郎奏稱請勅車右升侍中前承制退稱制曰可黃門侍郎退復位千牛將軍升訖黃門侍郎奏稱請鑾駕進發退復位鑾駕動稱警蹕鼓傳音如

常不鳴鼓吹不得誼譁其從祀之官在玄武隊後如
常儀駕將至諸祀官俱朝服結佩謁者引立於次前
重行北面西上駕過引還齋所駕至行宮南門外迴
輅南向將軍降立於輅右侍中進當鑾駕前跪奏稱
侍中臣某言請降輅俛伏興還侍位皇帝降輅乘輿
入行宮織扇華蓋侍衛警蹕如常儀宿衛如式謁者
贊引各引祀官通事舍人各引從祀文武羣官五品
以上集行宮朝堂前文左武右通事舍人承旨勅羣
官等各還次

奠玉帛

祀日未明三刻諸祀官及從祀之官各服其服郊社

令良醞令各帥其屬入實尊罍玉幣凡六尊之次太尊為上實以汎

齊著尊次之實以醴齊犧尊次之實以盎齊象尊次之實以醍齊壺尊次之實以沈齊山罍為下實以三

酒配帝著尊為上實以汎齊犧尊次之實以清酒五方帝太尊尊次之實以盎齊山罍為下實以清酒五方帝太尊

為上實以汎齊著尊次之實以醴齊犧尊次之實以盎齊五齊之上尊皆實以清酒禮神之玉昊天上帝

以四圭有邸青帝以青圭赤帝以赤璋黃帝以黃琮白帝以騶虞黑帝以玄璜天帝配帝之幣各以蒼五

方帝之幣並從方色各長一丈八尺太祝以玉幣置於筐太官令帥進

饌者實諸遵豆簋簠等各設於饌幔內未明二刻

奉禮帥贊者先入就位贊引引御史博士郊社令諸

太祝及令史祝史與執尊罍篚冪者入自東壝門當

大唐開元禮卷第六 參第六